

玉茗堂全集

玉茗堂全集

臨川義仍湯顯祖著

賦

懷恩念賦

有序

永春李伯東岳伯吾舉進士第齊年弟兄也
都下一再往反別去予補南沉寂竄廢闕奉
音徽者殆二十餘年天與伯東來憲江省一

賦

五卷

見驩甚周旋拯接備極綢繆伯東天性忠孝
人也忠也故素絲大車著司直之節孝也故
南陔北山恆遑將之咏茲且以再上計行遷
次欲歸侍百鶴翁萬歲山中奉再晤以何期
拊寸心而淚下懷人念路將何以處我乎投
涕而賦之

惟馮生兮有倫亦淡成兮鮮類始違家而涉朝

業辭榮而懼晦，憫聚散於來朋。感實虛於前士，
有緩急而與肩。孰涼溫而可嗣，矧齊年其乍進。
幾淹時兮容喪，輒分署於吳朔。旋乘流於嶺澨，
奉周旋而未再。曠音形兮莫繼，靡塵露之淺益。
乏蓬麻之薄寄，林壑擠而迫幽。蒿艾委而重蔽，
積五稔以無見。俟千秋兮求喟，何伯東之大雅。
儼簪黻而來暨，乍握手以驚癡。每投心而念瘳，

動引想於淪落數解噴於煩憤向慨亮而多節
復醇深而疊致秉素絲以爲絨集幽蘭而倚佩
大憲執而風流清价人藩而斗維會總三英之
正則兼六藝之能事入周秦而澹墨出晉唐之
新意懸日月乎壯觀佇風雲於遠勢文綽兮而
有斐德熏然其既醉發梗槩乎家乘托綢繆於
世契匪華鼎之振衰友迺良兄之睠弱弟美人

理之均調仰天性之獨至外此則樞機周慎內
行則經緯醇備本緣親而報主式資孝以移忠
拱百鶴於雲漢懷萬歲於山中寄茲斑乎繡繡
謠陟岵於呼嵩矢浮雲而愛日凜嚴命之無從
有季代慈烏之弄多孫撫羣鶴之雍欣釜鍾之
逮及咏皇澤以從容戒荏苒兮懷私勉驅馳兮
在公翁言則然兄豈其同暫跪睹於遙青長鬱

咄於深衷寤遑將以明發感煩瘖而蘊隆豈杖
屨之無人洗刷和而匪躬待六年之瘳計庶我
歸其自東嘆自東兮零雨眷西人兮秋暮雲晶
熒而黯色風寥落而商素江氣肅而生波岳色
悽而響樹念無衣兮此時送公袞兮上路我有
心兮誰與言我有悲兮誰與寤或留處於吾王
或追隨於世父急忠孝於茲行肯爲予兮延佇

思舊恩兮擢結隔阡陌兮誰度送賤軀以何其
反韋門而匪故祗加飡兮增歎詎裁書而減慕
庶徼天兮惠來望踟躇兮淚橫心而不能去

高致賦

有序

夫崇高以富貴爲大聖人以有位爲寶英賢
所以極至死之節常人所以集資生之具皆
是物也豈顧問哉然而時有所不可致道有

所不可期常情嗟嗟通人妙士委時順道屈
申其情樂則行憂則違確乎其不可拔者進
退之象也天下士宦江以西而嚮於予者江
東姜仲文稍爲中人所疑破手作大機宜文
字以去壯矣嗣若海寧查君晉江蘇君前後
以引疾行皆君子也予高其風而惜之曾幾
向時而蕭山來任卿復引年解岳伯政行矣

初與予言去意於西樓予謂丈夫會合卽有
餘齒未足爲吝任卿容骨脩炯有神時方以
吏事清嚴見重未有厭意驟以引年爲禮何
其腐也任卿歛然曰吾嘗得小石印款以腐
儒吾之爲腐也久矣腐儒得宦至老方岳甚
幸意本不家於官所以久此亦欲有所致而
不可則取一歲俸日食百錢劣可十年而盡

過更居之兒子輩無與吾事也因言海山花
木之勝欲及耳目聰明時行弄之家臨元人
九歌畧細甚時一摩莎問湘君何神已而嘆
曰豫生國士之言豈不信哉復誦風人數章
而起曰不死期湯生於華嶺之上耳予恢然
聽之頗不爲異秋而果然望匡廬道于越而
歸大吏更止之不能得夫人才悶悶然無所

可至黜爾去官復少異趣枯腊而已者予何
取焉任卿雖去緒音疊疊其致甚高當爲次
第之用傳世人亦非凡世人所能慕用也爲
作高致賦

惟君父之體大故忠孝之用長自成童而教仕
抵黃髮而靡忘被衣可以相重華垂釣可以師
文王良驥仰櫪於千里婦人從車於四方事非

紙於逐麋時有藩於觸羊古引年而致政亦節
度其偶爾苟所欲其從心豈爲我而制禮嗟夫
任卿清強自天出有二品之俸處無再易之田
齊年曲臺珣琪琅玕月夕風晨良謔爲懽來與
爾言蕭山本寒徙合肥而故瘦令黃梅而過酸
入參華署幾不能斂其婦出駟錦川幾不能行
其官玉于虹而竟剖尊爲犧而必殘終始其勤

于我江干行河久于梁漢轉餉初于秦蘭皆積
小以致大每遜易而就難菱舍移而江漢遙軒
帷敞而歲月殫軼分陰之炯炯抱寸意之閒閒
春酒夕佳興言其端若登高而悵遠欲車怠而
馬煩勉以遷延勗以句藩人網服其警策風物
資其折樊匪龍枯而淵夷甫鷹揚而天都公顧
我今則唉謂予言之寔艱玩榮期之妙語愁極

裨於憂患有多才而僵死或盛年而立乾微予
倖於清時容直木之高躋管片嚮而已知况屠
門今飢餐覩一葉而自見矧蕙苑今爲菅喻吾
子以物理百難盈而易慳火盡薪其欲傳石懸
雷而見鑽漸忽微而得老徒黽勉以施顏事已
隣于尾遯情何吝于闕觀諒所至而不貪遲風
波其未還數掾之側十畝之間雜蒔花卉周施

楫關護西州之海棠接東人之牡丹山北指兮
西陵水南滙兮東關凡越王百戰之履綦皆幽
人一曲之考槃及耳目之精榮付尊足之蹶跚
興緣欣而屢徙景方延而詎蘭茶笋無虧糧藥
粗安有子不貧亡妻曰鰥吟張蒼之飲乳耻文
淵之據鞍旣鍾漏兮並盡何金石之足刊計杪
秋而一決姑與子兮盤桓十月之交菊露猶團

竟果所言飄然挂冠納文書于大府捐印綬于
通班出南浦兮吹洞簫揖西山兮辭鵲鸞情無
之而息遺理有存而絕攀俸三百其早遁路九
十而恣拚寫樵風於歸楫指越鱸於餘盤久暢
意於江楚恨闕遊於匡山將振策乎五老之巖
羅舟於落星之灣倚九疊之屏風看天池之雪
湍飛瀧發皇躊躇闌珊浩歌而西終焉伐檀諒

莫黑兮匪烏豈予庭而有貍拾圖章於漢汜分
腐儒之汗漫癸沉騷於素色手名迹而未殷何
世人之還還尚好少而卽頑撫國士以何期偉
豫子之所嘆徬嚴陵之沫衫涉尊潤之淺瀾快
老客之還故鄉劇廉賈之去市闔道山陰而折
屐際海曲以循環鑑夙姿於湖藻吸餘芬於亭
蘭書禹穴而登窺琴蕭然而坐彈存有涯于自

已擲無盡於人寰庶良朋兮惠來得寤言之所
寬嗟乎任卿何歷落而多懷吐緒風之激亮昔
素絲而弗渝甘白首其何望釋荏苒而志悅酬
耿介而色悵凜霜霰兮交下煦山澤兮神王肅
支許之前衢屬予心之所向采真氣乎天姥瀑
靈襟於鴈蕩慨心知其幾何及吾子之無恙緲
孤光兮浙湄記成言於江上

酬心賦

有序

癸未春予舉進士經房秀水凡軒沈師年少
予予心神迫清而予方木強故無柔曼之骨
五月館試房舉各得上其門士時馮君夢禎
謂沈師曰子門中固無愈湯生者耶師曰固
也恨生骨相涼薄不如徐聞鄧生生甫終賈
之年而負河岳之相必大拜者其人也予聞

賦

五卷 十

斯言服師人鑒分以一縣自隱得少進爲郎
便足無敢更攀師門重累知己偶晡宴待師
喟然曰以子之才齒至而獲一第何也凡人
有心進退而已然觀吾子之色若進若退當
何處心耶予卒卒謝起作酬心賦答之

若夫吾師者鍾王名家簪纓秀縮環耀魄以中
激軼蒸林而上偁日月漾其清華山川鬱其風

雨故宜朗穎獨耀鮮雯稚舉勝衣藹艷於蘭庭
弱冠影徙乎桂嶼遂乃清勇皇軒高華帝圃皎
陪飛月之纓匡飾受河之釜度冲影若文霧之
霏霄叩微言象冷風之穆羽故允以標九河之
人宗藻十洲之衆父遭廻薄躬實命不逢少多
奇阨夙慕玄同抉目英雄之記銷心文學之蹤
安步險聊泥之轄卑棲危碣石之宮紅泉近構

紫葢遙通浮霜剪桂漬月捫松琴樽薄展糧藥
粗供顛辭舜帽耳謝堯鍾笑鳳衰於啞婦嘆狼
跋於僂公金盃不問人間之占芝泥竹簡
忘情家世之封而大人有言吾子可仕旣人生
之在三亦大戒之有二爾乃暫釋虛恬稍窺華
潤曾聆拾紫之言輒著拜經之論詢懷北海之
傳茲陽翟東方之秘殉山川雲氣之遺姓名風

物之訓十五代之今古從羲三十國之春秋主
晉靡不恣南宮之極遊歷東觀之名俊炯發越
於明眉度逶迤於玄鬚終以風氣適上性韻剛
疎薄泓嚼之寡醜病披昌之詬儒固以愔心理
簪軒眉文轡世率駭於真龍士或驚其累鷺命
與年迴理隨形閎瘦曷月之珠泉晦無霜之玉
地遂乃悵寄兼深形響多制大展而比三公險

衣而遊一世分東吳之孝廉老北門之賢士不
謂人師相逢此時撫乾璣而發采握地鏡以窺
儀引三吳之勝氣暢百粵之高姿亦盱衡於薄
質時撫節於蕪辭遂使路寢皇人備影形容之
相鈴轡都護齊吮芳媚之嬉自謂可以擢殿堂
之雅步起金碧之沉思茲焉已矣抑又何其苟
墨絲其有寄豈州縣之無奇東平之士風可愛

中牟之穉子無欺河陽之花城足態柴桑之蘭
徑兼資未當速貧猶旋泛局張華王佐感巨細
於鷦鷯賈誼奇才嘆園方於鴻鵠天損有餘人
苦不足乍勉身而就列卽回情而含旃定君躁
於流品落實名於世筌窈窕兮順紫靈之氣依
棲兮保玄仗之年此時吾師者方當調神玉瑄
篤俗金提贊蜚耳與長目覆孺齒與修眉弟子

于焉歌謠庶幾想風雲於竹素指星月於葵旂
入玉出金輒見麒麟之膏小鍾大鼓長聞鳳鳥
之徽詎懷私於隱屏未駐運於洪丕

予官止郎吏沈師鄧

生久逝矣

哀偉明賦 有序

昔人友朋之義取諸同心夢簣者得賢友絕
琴者傷知音其致然矣予年未弱冠有友二

人鍾陵饒伯宗崙臨川周無懷宗鎬皆奇士
也崙長不盡九尺瘠而青膽視行步有異鎬
長不盡二尺髯而甚口當予譚說有致崙笑
斷然鎬笑軒然三人蹉蹌而行乎道中
旁無人也崙父廢我公於豐城率大司馬燧
鎬於鍾陵張大司馬臬南昌劉都督顯皆中
表少長其家故習譚帝王大畧所喜皆大臣

將相籌策占候之事而崙復曉夜誦書常與
予映雪月交書而誦乃已同臥處三歲餘前
後別去至同赴南宮試都下臥未嘗有異衾
枕履襪先起者卽是不知其誰也崙同舉進
士山理順德有潔清公忠之名三察並闕將
吏凡却萬金徵試御史病告卒于臨清汰舟
于姑孰予在南祠望江濱而哭之曰傷哉伯

宗君親友之望未塞而遽爾乎鎬久爲諸生
以文字不倫落去益學騎射兵法年四十走
長安以策干陳御史大夫炯不受說譚大司
馬綸綸陰用其策而陽棄其身鎬發憤恚慙
歸而病目幾瞑飲後婦乳復視貧甚發嘗所
受異人書作黃金不就苦饑則學辟穀然不
可久時來就予食予爲收教其子仲兒壯慧

而死益自傷慨然有長遊不反之志或諷止
之則曰重華祖龍皆客死何必我旣而謂予
曰我數夢之帝所終當仙去公不甚信我我
所有異書兵訣長以與崙後崙死而鎬書散
亂盡所與卧起信宿掀髯長嘆者又獨予一
人而已辛卯秋裁六十來送予嶺南握手而
啼曰伯宗與予獨一子皆不好讀父書無能

言其父者卽從此長別子能忘言于故友乎
予悵然止之曰勉飯自怡長生國人所爲也
去大梅之南夜夢鎬來告別指伯宗之舊館
曰鎬其如是矣予驚而晤曰有是耶起而發
燭踟佇爲賦而哀之

惟吾朋之恢詭形一短而一長並予喪於北渚
同研席於文昌無懷之胸臆有奇伯宗之體貌

殊方予參差以中立亘通衢而頡頏服御無分
於凡髡詩書或亂於巾箱夜談則風雨如晦曉
起而月出之光有曄目而成笑無疑情之見妨
歲周旋於金午予獨舉而賓王暫成器以不括
有善刀而未嘗饒損趣于文囿周搖心于武場
時不可兮驟得年有徂而莫當計摧殘於生慮
精勞傷於死喪周食素而瘞黑饒衣單而瘠黃

予公車其亦窘時黽勉以傾囊影答形其有待
力問命以誰強怨鎬君之需往吝喜甯生之塞
來章一司刑而縻爵一無權而食漿矢貧交其
不遺館無懷於奉常爲料理其糧藥并資營其
劍裝期上書而赴關圖方畧而詣羌足屢蹶而
恣遊目半盲而兢張諒意智之有餘悲年命之
無彊乍彈冠而縱語忽投書而若忘喟短籌於

世局寄長想於仙方道佳期於沙城之宅指神
物於星子之傍作黃金以飲器步青鋒而吐鏑
吸流華兮再中畢雄心其未央嘆斯情之浩渺
感高興之淋浪恒度世而苦饑持氣術以休糧
閱九州兮何求反山中兮樂康夫何山川未改
歲月猶常昔伯宗之慷慨被雄職以還鄉料婚
娶之完立起王事而方剛豈知時有所不可待

計有所不可詳清淵有計隕我惟良予在陵祠
驚投于床司業劉生叫絕于堂形無死法云何
不臧眉目豎而準隆額額修而骨昂笑有醺而
微韻步無遽而不莊惟股掌之平薄與情興之
滄涼極予交而晚疎在他人其缺然猶重予
以平生之矜矯屬予以世業之匡襄昔獲交於
予美羣吠恠而捨攘庶子名之修立見予懷之

淑芳詎想夫有繡衣之半載無珥筆之毫芒君
親之恩莫報友人之責何償逮輜飛而靡及豈
魂愧以飀翔遡江波而洒淚重頓擗以頽礪原
盡簪而挺解海方舟而起戕彼先醒其已然予
後死以誰相爲汝半暮兮素帶三旬兮縞裳遇
同官而見哂慨朋友之禮亡越卯辛之夏五予
復上書而遠行途瘴熱以烝厥歸奇病於三陽

問所苦而舌吐夢易宅以魂謁辛淹秋其再起
將有事于炎荒周蹠蹢躅而送遠軫彌留而自傷
悔辭家之不早遺枯腊以踉蹌書散敗而不收
名湮微而孰章撫予心其尉遣泣回袂於河梁
九日登予于盱姥十月遘予于潁陽忽周君兮
見夢儼顏髯之秀蒼指伯宗之舊居望白雲而
歌商嗚呼已矣其亡其亡牙絕絃於鍾子惠滅

質於蒙莊俯濠魚而奚樂聽流波而望洋皆一
子以偏露並繼室之罹霜號蕭蕭於殞木哀闐
闐於壞墻周無隣以相杵饒有弟而綏筐諒無
貲以協睦雖有哭而悠颺饒五喪其未舉筭一
坏而矩央皆越裝其可損寫泉幽其再光獨恠
夫熒熒司命營營彼蒼或千指而逾瞻此數口
而靡遑氓出出而長在土琅琅而遽殃玩此時

之芻狗皆昔日之干將豈古帝謂之縣解將造物收其不祥鎬夜行而在燭崙晝歸而不暘等悠悠於市合何噉噉於歸藏虞舜在而猶羶秦皇死而不香何帝鄉之滅沒卽人代以荒唐續無纖其標辯卓有素而徊徨委魂緒於虛微起編歌而自觴撫夙衾以何得竟愁思之不可量

玉茗堂全集

玉茗堂全集

臨川義仍湯顯祖著

賦

豫章攬秀樓賦

有序

江南洪州藩司之樓紫薇是居東維攬秀西
儼辯章晷漏存焉仰答天桴昏旦之候無爽
俯和民紀旬宣之政有序厥由來矣屬乃赤

標示舊靈仰告新華不日而已乎鼎有時而
傾否岳伯嘉禾陸公四明王公相與謀曰休
哉功有半而可倍事有一而得三斯樓之設
時夜是司顧以吾屬宣懷未乏羊杜賓至燕
言或假僑札爰有沙城神僊之路遠在數里
滕閣帝子之洲近隔重關非期使人難以卜
夜微寧就此一臺之基增爲三成之制咫尺

足以體尋常可以發志出不嫌於久次進
無妨於設險利用大作莫便乎是者上下僉
同時物會貞賦取幣餘役以流傭令信工敏
浹月而就剖斲並舉重複奏繳楮極醜醜軒
牕玲瓏麗素而不露其材髹堊而不傷其質
都作告備司時練吉二公相與攝英寮從妙
屬跡而登焉則見山川畢升天日加朗出草

樹於綦履度魚鳥於几席南浦西山不在關
城之外矣徘徊流觀則朱邸華閤環珥于府
寺英臺貴俊冠蓋于遠巷以至都人琇厲之
觀方外玄緇之處偉雅神麗指顧而詳漁唱
田歌夾重湖之表裏軍漕佔舶沸瀕江之上
下孰非宇宙之精氣國家之利寶乎嗟夫事
有合而成賁物有大而可觀我勞如何煌霞

取日用之適有客蒞止風雨惟時至之期至
于鼓角晴飛戾天霄而益爽壺尊夕轉遲月
露以方盈節之以陽陰文之以禮樂不其懿
與樓成而中丞衛公適來撫我益新其政恢
軍國之容復隍臺之制模觀精偉神色異昔
樓增麗而勝焉歲戊之申月日之九陸公偕
岳伯四明丁公永春李公觴于此樓晝漏之

聞連於晡下夜鳥之咽通乎晨戒澄日氣於
煙霏寫月精於露靄固已極斐亶之妍譚盡
淋漓之雅致矣總而攬之秀其外者山川備
仁知之所樂秀其中者人物兼富教之所歎
儻干霄有異之氣恒存薄收無憂之言每驗
則諸公取適於來旬吾屬從歡於上日益亦
太平之盛事宜長久而無極乎彼夫城隅之

宴忘其喪亂歎臺之什夸乎霸餘方今洪淑
吾無取焉諸公粲然而咲曰然則子爲我賦
之一言均賦敢居王子之先九日登高辱在
大夫之後云爾

若夫圖書上計之省樞璇布政之宮蕃北宸而
拱峻劉南夏以成雄正經途於一軌極高閎而
有融金城遶雷于允西玉漏灑梁而震東取陽

陰而定體亦登降而在中制豈懸於飾樸時有
適於污隆象除舊而布新寧有約而助洪政自
公而燕喜禮賓遊而會通勝寄攢羅於一舉意
匠圖回於再重允覩隨而命作叶和會而勸功
引章貢之瓌材集臨汝之精工乃作高門爰及
遺堦土綠剝而厚下木層升而致美下如甃以
甗甗上若堂其瑰瑋隆礧懸施綰斲兼掄蠹以

九挺鋪以密砥重藥承而竊窳枝掌復以玲瓏
乍并幹而宿斗倏丹艘以流虹納靈曦於陽馬
閣玄溜於陰蟲庶歡呼而勿亟公賞成於具逢
擁官聯而上陞立嶒岵而正容恍靈區兮湧地
迫慶霄兮麗空疊有事而後大革取新而不窮
地響奮而盱豫天際翔而上豐淮燥濕以維則
度几筵而載容睇刻漏於蓮花叶信晷於祥風

寅亮者資其察貞觀者賴其同謹戶牖而知時
倒衣裳而在公且三爵以興言會羣龍之高盼
承交臂以宣勗暢遠心而釋倦仍攬秀以褊危
臨辯章而聳絢諒所攬之多秀豈吳淦而楚羨
判休明於晉今豁懷袖於聞見方外內其具賞
期霽晦而兼善紛慘悞以孤遊被溫冲之餘眷
遲九日兮瞻令期佇三山兮登薄軀沙城出谷

其將晚膝閣扶欄而未舒竟夜飲其厭厭儼新
構之渠渠清酒溢而山光凝纖歌揚而潛思紆
時則籟稍沉於風律節懸瑩于霜鍾雲晶輝其
歛色露薄腴而向濃霧冱川而晻晻日暈野以
隴隴沙舍虛於近趾灌吟寒於遠峰歷倒茄而
去燕遵反宇以來鴻援山中兮桂枝渺江上之
芙蓉迫年衢之冉冉曠天宇之溶溶蕩芳英於

蘭苑懷幽人於菊叢陶頽然於刺史嘉率爾於
桓公折萸房而醕醴警蕭辰而切衷坐紛想於
遊極起延佇於巖櫺像長雲之蜿蜒若飛雨之
空濛躡前榮而忘觀良鬱鬱以怱怱鬱鬱兮直
下西山兮若畫測地象於神州輒金方其款跨
上都隱屏於太行中土閭靈於崑華筱拔地以
常然此瀕江而潤化瞰迴隄於激渚出清都之

臺榭影四序以恒流氣千年而不謝江則括坤
爲墟委乾爲畔淙淙潼潼浩浩澎湃出沒遷徙
縱橫泮渙繹絡乎東溟之盡灔澦乎南紀之半
川魑水夷之所盤嘯海錯天琛之所流灌晦冥
而風雲霽黠澹蕩而星河炫煥洞窅眇以無倪
愜虛明之所玩流玩兮蒼郊筠之山兮以超矯
烈風于丹陵上留田而逍遙睥青峰于梅葛指

緱氏於巖椒白雲英其嫫飛碧海堆而嶼搖認
落花於桃嶮訝沉書於石橋乃有紫清懸瀑斗
絕而起喂若秦人秀若蕭史天寶開而霞曙雲
蓋移而煙靡崑膏玉以明珠岡流珠而覆米漉
泉壇于冠石度松門于屏几蓋西山之高二十
其咫西山之延四百其里雖發地而厭原默匡
廬之徙委浥山帶以披衣迎屏風而疊綺輪茵

接香鑪之雲濤液下清溢之水勢遠而危鬱岬
嵯峨虧夕陽於半江宿初月於層崖映松栢而
氣美漬嵐霏而色滋日射則陰霞委金雨過而
生煙拂霓岸明涓而翠寫風增瀾而緝瀕江女
窺而巒霧縈幽綃織而巖戶移白鳥光颺於壁
嶂舟人影映於沉暉遙菁熒其可悅動冲溶而
倍姿擁名城而論都極敞顯之南戒潁陰雄成

于漢首武陽式廓于江外水竇按龜而潛洩岡
勢鑿龍而抗會湍洄鱗鱗而布遠樓觀儲胥而
備大比志物以維屏恃休明而勿壞動迴飈而
佇想步循環於衿帶故其內眄則東西湖水潏
沔日月鶴池之煙霧猶鮮龍門之風雨自出長
橋度以殷雷鎖院開而辯蜺東二溲於淞函渙
大明於濟碣水花淨而香遠風色迥而態溢率

良士以思瞿必都人而秀發時泛客於三洲唱
凌波而未闕遶百花兮霞滙約九津兮雲泄綠
淥瀉以周洄記斗門之約節宜遶樓以西逝迺
負關而東決散盱章而脉清會官亭而勢折卷
八都之風濤立二孤於喉咽信東南之都會備
西北之門闕豈太真之議福將昇元之氣歆大
中潛而龍起建炎噓而鳳瞥自中迤西官方所

治巍哉約繹文樞武昆建中臺之龍節設行馬
以總麾旣鼎立而置參亦岳峙而分司受官成
之統總裁氣脉之機宜大府承而望縣翼壇祠
蒼而庠序微物色音華之所蒞止明謨風愛之
所棲遲訓恪則宵嚴於析署務閑而晝偃於鈴
扉通溝轉洩經衢緯陌參差流離朱邸有赫啟
北維寧載南而國委滕嬰於歌吹帶劉宗之盤

石怵章山兮采銅欵扶疎兮屬籍席芬英乎獻
靖跨文明於淮益屬宗師而綺正收茂才而路
闕被儒素以矜華朗慧滋而秀奕時節物以斯
游僚國風而咏適罷聞樂之層歛食衣稅之舊
德扶輿中央精華裔皇山液而流川暉而翔貴
相上將公卿丞郎或橋梓而槐棘或塤篪而圭
璋駢緋夾綦嗣鼎承筐偶必大而無降交累懿

而益詳與則獨藏於望國風微時映於公行必
百世而猶祀在式微而亦張故老敦詩成童誦
章道述門素經營國常七族奄而魯阜八姓彩
而吳襄冠事業於本朝襲俎豆於其鄉月旦重
於汝潁科目兼乎顏商里聚星與通德藹喬木
而相望餘則所至而煙火萬家所向而雲樹千
牕或望止以如歸代謚作而無囀至乃郭塵表

裏百初流初轉估客之風期浹章門於廣潤縑
精奇乎萬里舶魚鱗於重鎮槩展成而授序紛
駢擊而沸震儼如臺兮累榻寶若星兮流暈炯
琲珥以彌出孰櫬鏐而見各步旗亭以稽詣夥
闌干而售俊敵物力之膏華藏山淵之美蘊固
頑艷之共往取資生而適韻然猶貴不弼於周
度賤難得於老訓稟方岳之理靜忘關賦之徵

峻市無擾以無虞賈亦廉而亦信民日中而自
退士三倍而無近却服御於天邪劭康功於田
畯惟江之壩厥田十千雖水耕而火耨職善坊
而固泉懸種稑於歲秒視黍稷於昏前怙寬鄉
而償瘠趾樂郊而趣先適斯樓之倚徙厥高眺
于天田原隰素而夷衍塍臯繡而邈綿澹如雲
之漠漠計井牧以無愆望杏花兮輕弱訊冷風

丹華而散霞縣伶崖今有靚響天樂以鳴真庶
仙人於樓居故延庚而挹辛西山之陽不死之
鄉西山之陰無生之林渡江之盲奇特遠谿之
笑清越西江之水無盡南岳之風有鬱下雲居
而振幡過上藍而拄拂聖諦冥兮體常露凡情
盡兮境超忽坐盤中兮何事講虛空兮何物相
與詫黃龍於山中笑丹露於木末喚斐休乎斷

際點韋升於靈徹樓觀等而平視誼寂泯而何
設領玄釋於簪組玩今風而古轍誕江陽之儼
詭常寄言而設端曩神明之鱗萃今巖岫之空
寒諒獨往之能事洵絕地之匪難乍遊陟以成
趣岌人寰而詎安閔吾流兮閔世蹇川途而獨
詣南上瀨以忘疲朔通津而必暨樓艦分風而
轉颿鐃鼓接韻而浮吹路入達以如絲坐交衢

而委轡疇四方之都雅極宦遊之禮勢公應接
以餘閒客周諮而有寄或雅歌兮投壺試清倡
今舉袂足登高而送遠具成歡而既醉乃至放
臣淚國遷客思鄉赴建康而不果適交筦而未
行亦有賢士矢志遊子迷方覩遷謝而多悲感
留滯而自傷一登樓而慷慨興宣寫於毫芒客
也無勤聽我勞音會計之司成賦是欽日至而

鍾石斯起歲獻而漕艘載歆絕控引以無期灌
天淵而在今則有允士煩於星渚撞禱廣於山
林流粟羨於沙礫籌策高於崖峯鵬沱取於魚
鳥邪許殷乎笳音旗幟撓於荆吳謹囂徹乎嶮
陰見軍國之有衍慨塗泥之所任戒驕譁於水
次妥積層於潢潏時我公之約飾往聽矚以廻
臨喟民膏於燕土悚國賦之惟金延少內以涓

頌屬都官而獻斟終古有稻梁之色刑民無醉
飽之心鼓摻發而念遠棹歌齊而思深思深兮
太息倒景兮酉夕秋志激而彌亮風候紹而無
射梃流華於末光動寒姿于暝色紛下馳兮燿
闕浮傾霞晦兮會啁啾感授衣兮謝歡燠燐華
燭兮重登遊進匏瓜而更酌承湖海之下流悵
涼天兮北河遺佳人兮南州月微波而灑席風

析木以宜秋發浮樽於漸臺進河鼓於宵籌經
天潢之閭道奉紫薇而披廓宛衡殷其在南正
杓構於龍角轄左右之煌煌輔帝車而軌若偶
少府於關梁躡天堦而用作步飛光兮意折想
壯武於豈城何千年之寶氣得斯人而夜明河
魁載西形如戴匡津梁在中號曰文昌王臨川
而集計愧余生之草鄉草木落而自出風雲興

而詎央廓凜秋其在此若端居而遠行喜布政
之優游遠樂職以翔狎究由來之慨復豈逢今
而太康蓋我江南以西也挾淺原于漢汭抗虔
樞乎甌粵錯餘方面有墜剪叢微而或藪鬱隰
體寬而重縕江湖氣急而輕發首伯舉之興替
逮斬黃而合裂王政痺而澤弛物力恢而氣竭
阻喪亂以何言諉尋常其固然筭鴻醲之美業

各未逾乎百年山川黷色窮于有元誕我

高皇戴斗履衡虎變龍興日在金水風清漢荆
歲在星紀天飛吳京初震出于南昌訖乾戰于
康郎賜觀燈于南浦詔騰鹿于西岡宴羣臣而
天歌夜清禮玄聖而春旌曉翔父老欣欣士女
洋洋何江漢之首被而韶英之遽鋪至于今二
百餘年洪都拱真人之躋廬山爲天子之降法

物具而加精官列盛而彌莊偉我諸公有濟其
郁衛公撫茲益斐其業漢流聲于次公唐宣風
乎九齡陶姑熟之大志顧太康之廉貞耿河南
之繁亮王新建之虛靈九臯來而憲重三原至
而賦輕讞決爽鳩於林鶚文學倚蘭于蔡清並
師濟而休嘉各勤施而茂祉郡榻奮平輿之節
邑絃奉道州之理迴秀色於干旄惠氛於蘭

醴雲無覆而不卿露有瀼而必旨南斗之熒不
入西郊之霖自灞出明月于海昏莧枯章于郡
邸武寧希夏雪之零新吳斷玄穀之秕麥窺閭
而岐秀稻旅生而再蕤洲野牧而不收戶肥粃
而有醜女遵行以綢直叟遊詠而都偉孽秀盛
以恭承起歡娛而伏膺會大任其何極華方來
而載寧善諸公兮有作慶徽生兮樂成蔭梢覆

之眈眈對清佩之盈盈景斜延於夕佳趣遙攝
於秋屏目煩燎而下盡興澄歆而上征商飈卷
而戶洞暗河低而坐傾悟挈壺之戒曉憬通鑿
而遲明樂燕胥其匪報激高歌乎列星歌曰

山巖巖兮江逶迤結飛樓兮含翠微雨陽貞兮
流音徵鼓淵淵兮漏遲遲宣明政兮繁嘉德宜
登臨兮受光色來清觴兮眷今昔江南西兮秀

無極

王若堂全集

終